

15 Shoghdononh ne raowaghronneh ne ronwanikonraghswenhonh, shadeyught ony ne ji-niyeyuderighwinonh ne ji-niwennyh yuderighwaghudentyonh ne orighwado-kenghdiokon; ne ne daatyadakhaghsy enskat nonkwedase, ne kady naayanerenghseronny,

16 Neony ne naakweny aonsaghshako-nikonghraghseronny dearonh ne Niyoh-neh skayerondat ne jidekayaghsonde, egh ronwaryughdonh ne ronwaghswenhonh ne aoriwa;

17 Neony warawe nok rorihwahnotonhkwe ne kayanerenh ne isekel ne ne i-nonh deyakwadere, nokhony ne ro-nonhhakeh ne ne radeyakwadereah.

18 Ikenh raonhhakeh nondawe sayonkwayendane sayonkwanakdodane ne neh ne Shakanikonrat ne Ranighnehah.

19 Ne kady wakarihhonny nonwa yahho-nenh dejonkyonghwenjaya ony thaewanakeraghseradeke, nok nonwa shedewanakeraghserat ne rodiyadadokenghdy, nokhony ne shakaghwajirat ne Niyoh;

20 Neony wahhy ne kanonghsakenseraghkwenh ne rodiyadadokenghdy nokhony ne i-nonh yehhadiwakenghs, Yesus Keristus yadehhayadyh nenne-eh rayadakwe-niyu ne jideyude-nhonghdawenheh o-nen-ya;

21 Raonhhatserakonh akwekonh ne kanonghsomnyadonh yeyutyeridonh jidekayendadaryon enskatneh ondon enkanyu o-nonghsadokenghdikeh ne Royanertserakonh:

22 Raonhhatserakonh ony nise shesewanonghsah enskatneh eghnonweh nihho-nakde ne Niyoh aoriwa ne Kani-konra.

CHAP. III.

Ne ne waghseghdonh nyutyadonh, ne ne yaghdehhodirighwiyughstonh ne aonsakhodiyadakwen, Paul ronwado-kadennyh norighwiyu.

IKENH kenkayen aoriwa ne I-ih ne *Paul*, ne raketshe-nen ne Yesus Keristus ne wakaghstonde arekho sewarighwiyughstonh,

2 (Doka nonkenh sewaghronkenh ne ji-nihhotyesenh ne raodenrat ne Niyoh ne neken rakwawyh ne ne enkyon nisekeh: